

To: <pid@legco.gov.hk>  
 From: Chan Joyce <>  
 Date: 02/15/2012 08:52PM  
 Subject: 2月16日的交通事務委員會會議發表意見

我好憤怒！！香港政府宜家請君入甕，先開放第一階段俾港人北上自駕遊。但大家要明白呢個係等價交換，俾得你上就要俾佢哋落，各位香港嘅駕駛人仕，你哋自駕遊上去尋七日嘅開心，將會換來你同你至愛嘅親朋好友每日提心吊膽咁响香港生活。呢個留言好似唔關反雙非事，但係，香港人宜家連響自己地方生**bb**都咁困難，所以港媽係寶，港**b**都係寶。馬路如虎口，如果再加埋俾大陸嘅盲毛揸車落嚟.....我哋點能夠俾港媽港**b**生活響虎口邊緣？定係叫佢哋以後唔好出街？我揸車超過10年，亦有內地機動車駕駛執照。更加响叫做國內比較文明同先進嘅上海生活左三年。响呢三年我都唔夠膽响大陸揸車，因為我太了解佢哋嘅駕駛技術，文化同修養。(起碼比宜家出嚟亂吠嘅狗官清楚了解得多。)香港市民知道嘅小悅悅事件，我爸是李剛等等只係冰山一角。只要你地响國內著名嘅百度搜尋器**search**下滅門車禍四個字，**case**多到你睇三日三夜都睇唔晒。就連大肚婆都俾車撞到連個胎都埋飛去幾米遠都有。慘不忍睹...我有足夠資格，心理準備，認知度可以申請自駕遊大陸，但就因為我對大陸嘅了解所以我亦會係最反對，同拒絕去申請自駕遊嘅香港駕駛者。因為我愛我嘅屋企人。如有香港人想享受國內自駕遊嘅樂趣，我建議你哋大可以去國內租車，你哋要去送死，要去俾人屈俾人割我哋真係唔阻你，但請你哋唔好拖埋七百萬個珍惜生命嘅香港人落水。唔好中呢個政府計，我地全民反抗自駕遊。

香港將會有大量人命傷亡，並唔係危言聳聽，原因出自有智障人士通過內地人士自駕遊香港。係刺激經濟發展，但係港人應該有錢無命享。  
 話通過自駕遊嘅人智障好有理據。分析如下

- 1.你條智障知唔知內地嘅道路使用者守則同香港大不同？唔好講多，單係一枝交通燈，內地行車交通燈如果只有前路指示燈而無右轉指示燈，即使前路指係紅燈，右線車輛都可以唔停車直接轉右？？香港人，以後出街請小心，尤其你响馬路口右邊！  
 智障者唔好同我講內地揸得車嚟嘅人有素質，自由行已經表現晒大陸人係唔會遵守當地文化同法律，佢哋只會沿用佢哋野蠻嘅生活習慣。所以嚟到香港佢哋一樣隨處大小二便，放飛劍，打尖同向右轉。
- 2.香港環境因素唔容許有自駕遊，我哋右軟佢哋左軟，有情況時打手勢，我哋睇左定睇右？唔好同我哋講我哋要適應，因為揸車只需要一秒鐘嘅錯誤判斷就能引來人命傷亡。  
 香港人多車多，路窄路斜彎位多，對揸開條條大路任我闖嘅蝗蟲嚟講係個高難度嘅挑戰，尤其內地人眼中根本無耐性兩個字，佢哋試下揸車去蘇豪區，去下山頂，睇下有幾多架左軟車司機連人帶車滾落山，係誇張左，不過一啲都唔過份，有錢佬住半山嘅香港人，以後睇路呀唔該。
- 3.呢個可能係陰謀論，但以啲智障嘅陰濕程度真係無話唔可能，我哋嘅路牌，全部係繁體字，廣東話拼音，唔識普通話嘅根本睇唔明，啲大陸人盲毛黑七更加無可能會明，引發問題出現，政府就有機會借口配合自駕遊斑大帝而將所有路牌變成殘體字，國語拼音，哈哈，香港市容變天正式大陸化。
- 4.香港嘅汽油有環保添加濟先至變成全球最貴，係政府唔俾市民用黑市油嘅理由，好嘞，大陸油唔環保係人都知囉，你個智障任由內地嘅車載住無環保添加劑嘅油嚟破壞香港已經夠污染嘅空氣？環保處你哋聲大仲唔做嘢？定係政府你一直桐我哋入貴油？
- 5.如果內地斑Hi Hi違反交通法例被影快相，危險駕駛，甚至撞到路人不顧而去，咁開左嘅罰單俾佢哋走數，傷亡賠償又走數，所涉及嘅人命邊位埋單？

自駕遊便宜蝗蟲，肥了油商，停車傷，苦了香港人，智障們你哋好毒。